

TAKƏLAYA NJKA PA NMAAWA HEPƏLA NYƏMA TƏ Kutubtu

Takəlaya kanə ka ηmaalv ta tv i həte sɪ tə nyəmi-i. Ue ηmaalv inu i ta laŋ Yuta tv wei í pəsa Yesu təŋlv wei i nyəmə nəγə suv kypənaya taa təm tə. Yuta nyəma mpa pa pəsa Yesu təŋlaa mpa pa təŋna məlvγv kə pa ləŋ isəsəele taa tə mpeγe í ηmaa-kə. Ama takəlaya ηmaalv tasəγi-wəγe apalətv sɪ pá təkɪ tənəŋ sɪ Yesu kəla isətəa tillaa na Apələham na Moisi na Aləŋ mpa pa kə pa ləŋ caanaa tə. Yesu kəla kətəsɪ na nəəsɪ pəeləγv tətə. Mpi tə, Yesu kpeγela pə təna na í la təm kvləm kə tam təə.

Isəna pa faya Hepəla takəlaya tə:

Isə Pəyalv Yesu, titite 1-4

Yesu kətaya kə səsəəŋka, titite 5:1-10:18

Taa tēm na kantəlvγv, titite 10:19-13:25

Isəna Isə hvla i hvwəe tə

¹ Ləŋ Isə ka wə Isə kvyəγətətv teləsəlaa kiŋ kə na í yəγətəna tá caanaa caanaa kə təm paγalə taa na yaasinaa paγalə taa. ² Ama pə tala kaγana kvyəeŋ kvtesəŋ inə i taa tə i maγamaya i Pəγaya kiŋ kə i wəe na í yəγətəna-tv. Na i Pəγaya ŋkə ka niŋ kə i lapəna isətəa na atə, na ŋkəγe i ləsaa sɪ ká tɪ pə təna təpai. ³ Nkə ka kiŋ kə Isə teeli naakɪ na pə tee isu kəkə. Na ka kiŋ tətəγə pə hóləγí teitei kə isəna Isə wəetv maγamaya wəe tə. I nəγə taa təm toma kə i təkəna isətəa na atə na pə səŋaa. I tēma yəlaa

isayatu kpiisuyu təkpatakpata ilena í kpa na í caya Iso kawulaya tu kəŋkəŋ taa.

Iso Pəyaya kəla isətaa tillaa təcayacaya

⁴ Isu Iso Pəyaya ŋke ka kəla isətaa tillaa təcayacaya tə, m̀p̀ỳỳ Iso ha-kege hətə nte tə kəla isətaa tillaa nyəna tə. ⁵ Pə taya pulu tə, Iso ta yəgətəta isətaa tillu nəgəlu si:

Nyayale ma Pəyaya,

saŋa ke ma pəsa nyá Caa.

I ta yəgətəta isətaa tillu nəgəlu i təm tətə si:

Maa la nyá Caa na nyaa pəsi ma Pəyaya.

⁶ Ama waatu wei Iso kəŋayana i Pəyaya kancaalaya nyəŋka ke antulinya taa tə i təma si:

Iso isətaa tillaa təna ká sɛɛ-i ké.

⁷ Mpi Iso yəgətəta isətaa tillaa tə təgəle si:

Iso kpaya isətaa tillaa na í lana-we na pá pəsi heelim.

I lapa na i təmlə nyəma náá pəsi kəkəsi nsi si m̀ỳỳi kemkem tə.

⁸ Ama pə tala i Pəyaya ilena í yəgətəta təfoo si:

Iso, aa, nyá kumte we tam ké.

Tampana taa ké n təkí nyá kawulaya.

⁹ N səla kɔpantu na n̄ kisi isayatu təcayacaya.

Iso, pə tə ké nyá Iso ləsa-ŋ na nyá mpa.

I su-ŋ teeli təcayale taa si

nyá laŋle í holumi səsəm.

Təcayale nte tə taa i su-ŋ mpv tə,

tə kəla nte tə taa i su nyá taapalaa ləlaa tə təcayacaya.

¹⁰ I yəgətəta tətə si:

Tacaa, nyá lapəna tətə tənaya kancaalaya.

Nyá mayamaya nya niŋ lapəna isətaa.

¹¹ Pə tənaya mpv pu saalı yem.

Ama nyaa caya tam.

Pə tənaya mpv pu ceyeti isu
wontu kususuutu ceyetvuyv tə.

¹² N ká kpili-wi isu pa kpiluyv kpai tə.

Paa layasi-wi isu yolv layasvuyv
i təw wontu kususuutu tə.

Ama nyá, nyaa wee tam ké rúpúyó,
n kaa kpatəli.

¹³ Tuu tə Iso ta yəgətəta i isətaa tillaa taa nəyolv si:
Caya ma kənkəŋ taa haləna má kəna nyá kolontunaa
na ń loosi nyá nəhəe ke pa təw.

¹⁴ Mpv tə, isətaa tillaa ná ké weyelə? Pa təna pa ké Iso
təmlə nyəma ké, na paa naa isəntəw. Mpeye Iso tiliyi
si pá tenj mpa pə ké si pu ya pa nyəwəŋ tə.

2

Nyuyv yapv səsəəm

¹ Pə təw ké tu təkɪ teu ke tampana təmnaa mpa pa
heela-tv tə na pəcó pə taa kəw na pə pona-tuyv təlete
taa ké yem. ² Isətaa tillaa kpaala təm nti tə tələ tə
hika nyuyv ké, haləna ye wei i pənta-ti yaa i kisa-ti pa
tuyv pəntv ke saləka wei pə nəgəsənaa si pá tv-i təyɔ.

³ Təw, pa ta kisi saləka tuyv ke mpa pa kisa isətaa tillaa
nyəntv tə, kacəŋfana ta mpa tu la awusa ke nyuyv
yapv səsəəm pəne pə taka tə? Taca ka caaləna nyuyv
yapv pəne pə təm heeluyv ke i mayamaya. Ulena mpa
pələ pa nu-ti tə pələ pá teləsi taya pə tampana. ⁴ Na
Iso kusa pa təm nyuyv na i kəkəlv nyəm na səgəntv
təma na piti təma təna lapv taa. I yelaa na i Feesuyv
Nəŋŋtə lá na pulv lapv saa yəlaa isu i nəkaa tə.

Wei i təw pə yakɪ yəlaa nyəwəŋ tə

⁵ M̄p̄óyó p̄ə w̄eɛ, mpi t̄ə p̄ə t̄aya ɪs̄ətaa tillaa n̄əh̄eɛ t̄eɛ k̄é ɪs̄ə m̄əh̄na antulinya wei ɪ k̄əŋ na t̄ə ȳəɣ̄ət̄əȳɪ ɪ t̄əm t̄ə. ⁶ Ama n̄əɣ̄əlv̄ ȳəɣ̄əta ɪs̄ə T̄əm taa k̄é tiili si:

Hai ɪs̄ə, yulv̄ k̄é we na ń t̄əəs̄əȳɪ ɪ t̄əm?

Yulv̄ w̄eɪv̄ mp̄v̄ t̄əkp̄em t̄ə ɪ k̄é we na ń paas̄əȳəna-ɪ?

⁷ N̄ yelaa si ɪ s̄ekɪ ɪs̄ətaa tillaa ke p̄əc̄ə.

N̄ t̄v̄-ɪ teeli na ń k̄v̄sɪ ɪ nȳv̄ȳv̄ ɪs̄u wulav̄.

⁸ N̄ m̄əh̄na p̄ə t̄əna t̄əpai k̄é ɪ n̄əh̄eɛ t̄eɛ.

Pa ȳəɣ̄ətv̄ȳv̄ mp̄v̄ si ɪs̄ə m̄əh̄na p̄ə t̄ənaɣ̄a ɪ n̄əh̄eɛ t̄eɛ t̄ə, p̄ə nȳv̄ȳv̄ nt̄é si ɪ kp̄aɣ̄a p̄ə t̄əna t̄əpai k̄é na ɪ t̄ú yulv̄ niŋ taa, p̄ə ta kaasɪ pulv̄ c̄əc̄əka. Paa na mp̄v̄ t̄ə naa kayana si p̄ə t̄əna p̄ə ta m̄əli yulv̄ n̄əh̄eɛ t̄eɛ. ⁹ Ama mpi t̄ə naa t̄əɣ̄əle si p̄ə lapa Yesu na ɪ s̄ekɪ ɪs̄ətaa tillaa ke p̄əc̄ə si ɪ si ȳəlaa t̄əna s̄əm ke ɪs̄ə p̄eɛɛ t̄ə. Wahala wei ɪ t̄əɣ̄aa na ɪ caŋ ɪ si t̄ə ɪ t̄ə, n̄əh̄n̄əw̄ t̄ə naa pa t̄v̄-ɪ teeli na p̄á k̄v̄sɪ ɪ nȳv̄ȳv̄ ɪs̄u wulav̄. ¹⁰ K̄v̄p̄am p̄u m̄v̄na mp̄v̄ si ɪs̄ə wei ɪ lapa p̄ə t̄əna na ɪ t̄əw̄ k̄é paa mpi p̄ə w̄eɛ t̄ə ɪ la na Yesu te t̄əkp̄ataa k̄é ɪ k̄v̄nȳənt̄əɣ̄əɛn̄aa taa, na p̄əc̄ó ɪ p̄ona p̄əyalaa p̄əɣ̄ale ke ɪ teeli taa. P̄ə t̄aya pulv̄ t̄əw̄, Yesu yekina na p̄ə yakɪ pa nȳəw̄.

¹¹ Yesu k̄piisiyina ȳəlaa ɪs̄əɣ̄at̄v̄. Pa t̄əna m̄pa pa ɪs̄əɣ̄at̄v̄ k̄piisa mp̄v̄ t̄ə, ɪ na-w̄e pa kp̄enta Caa kulv̄m k̄é. P̄ə t̄əw̄ k̄é p̄ə f̄eɪ Yesu k̄é f̄eɛɛ si ɪ yaa-w̄e si ɪ newaa

¹² ke waatv̄ wei ɪ t̄əŋ si:

Hai ɪs̄ə, maa heeli ma newaa ke nyá t̄əm.

Maa yoo yontu na má tala-ŋ samaa t̄əna taa.

¹³ ɪ t̄əma t̄ət̄ə si:

Maa tv̄ ɪs̄ə k̄é naani.

ɪ t̄asa ȳəɣ̄ət̄aya t̄ət̄ə si:

Má na piya m̄pa ɪs̄ə ha-m t̄əɣ̄əlv̄.

¹⁴ ɪs̄u m̄pa ɪ yaa mp̄v̄ si piya t̄ə pa k̄é t̄ənv̄ȳv̄ na cal̄əm kulv̄m̄əm t̄ə, Yesu mayamaɣ̄a p̄əsa teitei ɪs̄u m̄p̄e, na ɪ na-w̄e p̄á kp̄entɪ kulv̄m. ɪ lapa ńp̄óyó si ɪ

yəki dəγəv wei i kin səm ton wεε tə i ilé i toma í yəki təkpataa təw ké inu i lapa mpv na í si ilena ¹⁵ í waasi mpa səm səγəntv təw pa pəsa isu yomaa ke pa weesiŋ təna taa tə. ¹⁶ Mpi tə pə taya isətaa tillaa ke i waasəγi. Ama Apələham piya ke i waasəγi isu pa ηmaav Isə Təm taa tə. ¹⁷ Pə təw ké pə wεε si í nəγəsəna i newaa təkpataa, na í pəsi pa kətulv səsə kupaŋ wei i hvləγi yəlaa ke suulu ke səsəm ke i təmle taa ké Isə isentaa tə, pəcó pə husi samaa isayətv. ¹⁸ Na isu pə mayasvγv unu na í ná kənyəŋ tə, pənente i pəsəγi na í waasi mpa pa wε mayasvγv taa tə.

3

Yesu kəlvγv ke Moisi

¹ Ma taapalaa Isə seelaa me mpa Isə yaawa tə, í paasəna Yesu wei Isə tilaa na í ké ta Isə seev mpi pə təm tə húləγi isəntə tə pə kətulv səsə na í ná. ² Isə ka ləsəna-i si í la təmle tənε, na í nuna Isə ké teu isu Moisi ka nuna Isə na í la i təmle ke Isə təyaya təna taa tə. ³ Kutuluyv ηmalv wenna sam na pə kəli kutuluyv mayamaya. Mpv tətəγə Yesu mōna sam na pə kəli Moisi təcəyacaya. ⁴ N kaa na kutuluyv ke yem na kv feina kv ηmalv, na Isə ilé i kəna wei i lapa pə təna tə. ⁵ Ye Moisi ile, ilé i nuna Isə ké teu ke Isə təyaya təna taa. Inəγi pa tv təmle si ye Isə í yəγəta nti ile inu i heeli. ⁶ Ama Kilisiti wei ilé i ké Pəyalv mayamaya na pa su-i Isə təyaya səsə tə ilé i nuna Isə ké teu tətə. Ye tə təkə tá teelvγv na naani na pə tá ciγiti-tv ile tə ké i təyaya nyəma nté.

Hεεsvγv ηku pa ha Isə yəlaa tə kv təm

⁷ Pə təw ké Feesuyv Nəŋŋtv mayamaya ka yəγəta mpv si:

Ye í nu Iso nɔɔ ke saɲa,
 8 í taa tasa ŋkɔantɛɛlɔɲ lapu,
 isu í ka lapu waatu wei í kɔɛɛsɛna
 Iso ké kuyɔŋku í maɣasa-i sɪ í naa
 i waali ké wulaya tetu taa tɔ.
 Iso yɔɔtɔaa si:

9 Mɔ caanaa caanaa maɣasa-m tɛna,
 na pá lá sɪ pa naa ma waali.
 Pɔyele pa ná pɔ tɛna mpi mpi ma lapa pusi nule taa
 tɔ.

10 Pɔ tɔɔ ké yɔlaa pane pa tɔm kɔa-m pááná na má tɔ
 si:

Tam mɔpɔyɔ pa liyitiyi pa hɔwɛɛ taa.
 Pa ta tu cɛkɔna ma yaasi ké paa pɔcɔ.

11 Pááná kɔa-m mpɔ ulɛna má tuu si:
 Pa kaa sɔv ma hɛɛsɔyɔ tete ke paa pɔcɔ.

12 Ma taapalaa í la laakali na mɔ taa nɔɔlɔ í taa kɔɔ
 na í lá isayatu ke i lotu taa na í la laŋkɔusɔɲ na í ha
 weesuyɔ Iso ké siyile. 13 Ama í tasɔyi tɔmɔɔa apalutu
 ke paa ifemle nte, halɛna mpi pa yaa sɪ saɲa ke Iso
 Tɔm taa tɔ pɔ sɪ tɛnaya. Nɔɔlɔ í taa ye le na isayatu
 puyusi-i na í lá laŋkɔusɔɲ. 14 Pɔ wɛ mpɔ sɪ ye tɔ tɔka
 ta kancaalaaya naani wei tu wɛna tɔɔɔ teu halɛna pɔ
 tɛnaya, tá na Kilisiti tu pɔsɪ taapalle.

15 Nti pa ŋmaa Iso Tɔm taa tɔɔle si:

Ye í nu Iso nɔɔ ke saɲa,
 í taa tasa ŋkɔantɛɛlɔɲ lapu,
 isu í ka lapu waatu wei í kɔɛɛsɛna Iso tɔ.

16 Mpa pa taa nuna Iso nɔɔ na pá kólí na pá
 kɔɛɛsɛna-i? Mpa pa tɛna Moisi lɛsa Icipiti taa tɔɔ
 mɛɛ. 17 Na mpa pa tɔm kɔana Iso ké pááná ke pusi
 nule taa? Mpa pa lapa isayatu na pá sí wulaya tetu taa
 tɔɔ. 18 Mpaɔ Iso ka tuunaa sɪ pa kaa sɔv i hɛɛsɔyɔ

tete ke paa pəcə? Mpa paa kpeesəna-ı təyə. ¹⁹ Tə nawa mpv si pa ta te İso na pa taa təyə pa ta suv.

4

¹ İso tema-tuyv heeluyv təkpataa si tə pəsəyi na tə suv timpı tá na-ı tu caya na tə heesi tə. Mpv tə tə la laakalı na pə taa kəə na mə taa nəyəl vı wuna heesuyv ηkv kv taa ké suv. ² Pə taya pulv təə, tə nu Laapaalı Kupaη inəyi teitei ké isı wulaya tetv taa nyəma mpe. Pa nu təm nti tə tə ta waası-weyə pulv. Mpi tə, pa nuv-tı tə pa ta mu-tı na pá té İso na pa taa. ³ Ta mpa tə temna İso ké tá taa tə tu suv heesuyv ηkv kv taa. Heesuyv ηkv kv təm ke İso yəyətəa si:

Pááná kpa-m na má tuu si,

pa kaa suv ma heesuyv tete ke paa pəcə.

ı yəyətə mpv, pəyele ı təmle tema tem ke hatuu waatv wei ı lapa antulinya tə. ⁴ Pa yəyətə kuyaku naatosompəyələya nyəηkv təm ke İso Təm taa ké tiili si: İso yela ı təmle təna na í heesi kuyaku naatosompəyələya nyəηkv wule. ⁵ Na pá tasa tiiliyi yəyətuyv si: Pa kaa suv ma heesuyv tete ke paa pəcə.

⁶ Mpa pa caala Laapaalı Kupaη inəyi nuv tə pa ta suv heesuyv ηkv kv taa, mpi tə pa ta te İso na pa taa. Pə na pə mpv tə pə we pəsuyv si lelaa í suv. ⁷ Pə təə ké İso tasa kuyaku kufaluyv ke suw na í yaa-kv si Saηa. Tə mayamaya tə təm ke pısi kəma na sí siki səsəm iləna İso yele na Tafiiti yəyətı təm nti tə tema nuv tə si:

Ye í nu İso nəyə ke saηa,

í taa tasa ηkpanteeləη lapv.

⁸ Ye Yosuwee ka susa yələa mpeye heesuyv ηkv kv taa, İso taa tasa kuyaku lenkv təm ke yəyətuyv.

⁹ Ama heesuyv nakvli kv wee na pa hula-kuyv İso yələa, na kv nəyəsəna İso kuyaku naatosompəyələya

wule nyəŋku. ¹⁰ Pə wεε ké sɪ ye wei ɪ sʊv Iɔ hεεsʊvʊ tete nté tə taa pʊntʊ ká yele ɪ təma na í hεεsɪ ɪsʊ mayamaya yepu ílé ɪ nyəna na í hεεsɪ tɔ. ¹¹ Pə tɔɔ ké tu la kookali na tɔ sʊv hεεsʊvʊ ŋku ku taa. Tɔ taa yele na tá taa nəɣəlʊ kɔɔ na í la kɔrɛsʊlʊ ɪsʊ lɛlaa lapʊ wɔlaya tɛtʊ taa tɔ na í lan hεεsʊvʊ ŋku ku taa sʊvʊ.

¹² Iɔ Təm wɛna toma na tə lakɪ təmle. Tə kəla layatɛ nte tə sɛtəɣɪ taa na waali tɔɣɔ ləŋ. Iɔ Təm nti tə sʊvki na halɪ tə takɪ timpɪ ləsaya na ləmayasəle pə nyəm suliyi tɔ. Tə fakɪ atama na mʊɣʊle taa pɛɛləm, na tə fayasəɣɪ nti yʊlʊ nyuləɣɪ na nti ɪ hʊvki ɪ lotu taa tɔ. ¹³ Kʊŋmanɪmam napəli pə fɛɪ mpi Iɔ ɪ naaki tɔ. Iɔ ílé ɪ naa pə tənaya tɔyau, pʊlʊ ta ŋmɛli-ɪ. ɪ kin kɛ tá təna tu polo na tɔ kɛɛsɪ ta kʊlapʊtʊ təna.

Yesu ké kətəlaa səsaa səsɔ

¹⁴ Ye mpʊ tɔ takɪ tá Iɔ sɛɛv ŋku ku təm tə hʊləɣɪ ɪsəntɔ tɔɣɔ teu. Mpi tɔ, tə wɛna kətəlaa səsaa taa səsɔ wei ɪ təma na í tala Iɔ cɔlɔ mayamaya tɔ, ɪnəɣələ Iɔ Pəyalʊ Yesu. ¹⁵ Ta kətʊlʊ səsɔ ɪnɪ ɪ ké wei ɪ pəsəɣɪ na í cɛkəna ta ɪcantʊ tete tɔ. Pə mayasa ɪ mayamaya kɛ pə təna pə taa ɪsʊ ta, ɪ ta la ɪsəɣatʊ kɛ paa pəcɔ. ¹⁶ Ye mpʊ tɔ kɔrətəna Iɔ pɛɛlɛ kumte na naani, tu hiki suulu na pɛɛlɛ na pə waasi-tʊɣʊ waatʊ wei pə nəɣəsənaa tɔ.

5

¹ Pə ləsʊvʊ yəlaa hɛkʊ kɛ kətʊlʊ səsɔ na pə su tɔ, pə su-ɪ mɪpʊɣʊ sɪ í la Iɔ təmle na pə waasi samaa. ɪ pukina kʊhaham na í lakɪ kətaya kɛ yəlaa ɪsəɣatʊ tɔɔ. ² Kətʊlʊ səsɔ ná takaa na í ná ɪsəna ɪcantʊ wεε tɔ, ɪlɛ ɪ pəsəɣɪ na í hólɪ suulu kɛ pəcɔɣɔ ɪsɛ kʊkɔrɛɛtɛɛ nyóma na mpa pa pəntəɣɪ kʊpəntʊ tɔ. ³ Na ɪsʊ kətʊlʊ səsɔ mayamaya wɛna ɪcantʊ tɔ ɪ lakɪ kətasi kɛ ɪ mayamaya

ɪ tɔɔ na samaa tɔɔ tɔtɔ. ⁴Pə fɛɪ sɪ nɔɣɔlv ká tɪ ɪ tɔɣɪ teeli na í sɔsɪ ɪ tɔɣɪ kɔtɔlv sɔsɔɔntɪ taa. Isɔ kraana kɔtɔlv sɔsɔ, na mpɪ ɪnɪ pə mayamaya ke pə lapa Alɔŋ kɪŋ.

⁵Mpɪ ɪnɔɣɪ na Kilisiti, ɪ ta tɪ ɪ tɔɣɪ teeli na í kra ɪ tɔɣɪ kɔtɔlv sɔsɔ. Ama Isɔ mayamaya tɔmna-ɪ təkɛlɛkɛlɛ sɪ:

Nyayalɛ ma Pəyaya, saŋa ke ma pəsa nyá Caa.

⁶ɪ tɔma tiili tɔtɔɣɔ Isɔ Tɔm taa sɪ:

N ka pəsi kɔtɔlv ke tam tɔɔ ɪsu Melɔcisetɛɛki.

⁷Saa wei Yesu ka wɛ atɛ cənɛ tɔ ɪ sɔlɔmaya Isɔ wei ɪ pəsɔɣɪ na í lɛsɪ-ɪ sɔm taa tɔɣɔ, na í wiikina-ɪ na kapusi sɔsɔɔnsɪ na ɪsɔlɔm. ɪlɛna Isɔ mv ɪ sɔlɔmvɔv ke ɪ seekaya Isɔ tɔ pə tɔɔ. ⁸Paa na ɪ ka kɛ Isɔ Pəyaya tɔ, kɔnyɔntɔɣɔlɛnaa taa kɛ ɪ nyɔmá nɪnɔv tɔm. ⁹Pa kɔma na pá tɛmɪ-ɪ lapv na í tɛ təkpaataa, ɪlɛna í pəsi wei ɪ kɪŋ mpa pa tɔna pa nukəna-ɪ tɔ pə yakəna pa nyɔɔŋ ke tam tɔɔ tɔ. ¹⁰ɪlɛna Isɔ tɔ sɪ ɪnɪ ɪ kɛna kɔtɔlv sɔsɔ ɪsu Melɔcisetɛɛki.

Isɔ sɛɛlaa mpa pa tayanɔɣɪ kpisuvu tɔ pa tɔm

¹¹Tə wɛna kɔvɔɣɔtɔtɔ ke sɔsɔm ke tɔm tənɛ tɔ tɔɔ, na pə wɛ katɛ sɪ tɔ kilisi-mɛɣɛ pə tɔna tɔcɛɪcɛɪ kɛ ɪ cɛkɔɣəna lɔŋ tɔ pə tɔɔ. ¹²Hatuu tɔ pə nɔɣəsəna ɪsu ɪsɔntɔ mɔ sɛɣɛsɔɣəna lɛlaa, ɪlɛna mu mɔlɪ na í pəsi ɪsu mpa paa húlɪ Isɔ Tɔm ɪsu kpɛlɔmɛlaa tɔ. Pə tala mɔ mɔtɔ tɔɣɔv, ɪlɛna í mɔlɪ na í nyɔkɪ kafa ke tam. ¹³Wei ɪ paasɔɣəna kafa nyɔɔv tɔ ɪ kɛ aɪvlɔm kɛ. ɪ ta nyɪ sɪ pənɛ pə tɛwa, aai pənɛ pə ta tɛ. ¹⁴Ama sɔsaa mpa tam lapv tɔɔ pa nyɔmá tampam na ɪsayaŋ pə fayav tɔ mɔtɔ ke pɛɛ pa tɔki.

6

¹Pə tɔɔ tɔ tɔ lu Kilisiti tɔm nti pa caalɔɣəna sɛɣɛsvɔv tɔ tɔ taa na tɔ sɔv mpa pa pu pə taa tɔ

pa nyəntu taa. Tə taa tayani kite tē nyəntu taa ké məlvu, isu krai təma yeluyu na taa tənna ke Iso, ² na lom səvnaa na niŋ tənvyu pə tənnaa, na sətəa feesuyu na tam huule pə tənnaa. ³ Tə pukina pə isəntaa ké tam. Mpu pə mayamaya ke tu la ye Iso í tisaa.

⁴ Na mpa pele pa tayanəyi isayatu taa ké hotuyu tə pele pa təm ká tēna weyele ile? Təv, Iso tēma pa isē kuluyu na pá təŋ isətəa kuvəv lelen na pá hiki pa paa nyəm ke Iso Feesuyu Nanŋtu kin. ⁵ Pəle pə waali pa nawa si Iso Təm we teu na pa cəkəna isəna antulinya wei i kəŋ tə i toma wee tə. ⁶ Pə tənaya mpu pə waali ké pa luwa na pá tayani isayatu taa ké hotuyu. Yəlaa isu mpu pə taka pə fei pəsvu si pá hólí-we si pá tayani təntē kufate ke layasvu. Pə taya pulv tə, Iso Pəyaya ke pa leləyi kam ke səm tesika tə na pá tvyi-keye feele ke samaa taa.

⁷ Ye pa hala haləm na tēv nukı pə taa ké tam na pə ta laŋ nikaya, na kvətəv la pə taa ké teu na pá waasi hallaa, ile haləm mpu Iso koola-wəyi kvəntu ké. ⁸ Ama ye səwa ke yem na krai nyutu tike lakəna pə taa, haləm mpu pə pəsa yem kele, na Iso naa kpali-wi na pá tēsəna-wəyi kəkə səvu.

⁹ Ma taapalaa me, paa tə yəvətəyi mpu tə tə tēma tá taa təkpataa si í tá tooli, i we waasvu mpaav taa ké. ¹⁰ Iso tá ké wei u təŋəyi tampana tə, na i kaa səv mə tēma tə. Pəyele i kaa səv isəna í paasaa na í səli-i na í waasi mə Iso seela lēlaa, na í tu tənna-weye waasvu tə. ¹¹ Ta luuŋ wee si paa mə taa wei í tasa isəle seesvu ke mpu haləna pə tənaya, pəcə pə lá teitei isu í tēlvu tə. ¹² Tá luuŋ fei si í loosi nəhēe. Ama tə caa ké si í təŋ mpa pa tēŋ Iso na pa taa na pá wēna suulu na paa

hiki mpi Iso ka təma si i ká ha tə pa akpaá.

Isə təma si i lakı mpi tə i lakı-wəyi

¹³ Waatu wei Iso heelaya Apəlaham si i ká lapı-i pəne na pəne tə, na tuunav ké. Na isı nəyəlv fei wei i kəla-i na í ká tuuna ile tə ilena í tuuna i ti, ¹⁴ na í tə si: Ma heeliyi-η təkpaataa si maa la-η kəpantv, na maa la na í hiki piya ke səsəm. ¹⁵ Mpróyú Apəlaham cayana suulu, haləna í kəə na í hiki mpi Iso ka təma si i ká lapı-i mpv tə. ¹⁶ Ye yəlaa í caa tuunav, wei i kəla-we tə i hətə ke pa yaaki na pá tuuna. Tuunav ké pulv mpi pə loliyi yəlaa ke waatu wei pa lakı ntəηkpeesaya təyə. ¹⁷ Iso ílé i caakaya ké si mpa i təma si i ká la kəpantvnaa mpe tə, pá nyi təkəlekele si i yəyətə nti, i yəyətəa ké tə kaa layasi. Pə təə ké i yəyətəa na i tuu. ¹⁸ Təm naale ine i fei layasv, na pə fei pəsəyv si Iso í looli-ti. Pə təə mayamaya ke pə səsəa ta mpa tə hika təηmelle ke i kin təyə apalutv, si tə təkı tēelv v ηku kv təm pa kēsə-tv təyə teu təkəηkəη. ¹⁹ Tēelv v ηku kv wēē ké isı ta ləsasi kankanv v kv tələlv v ηku tə wēna naani na kv kiiwa tə. Tə nyəmá si ta mayamaya tə pəsəyi na tə svv na tə polo na tə lu isətəa Iso təsēēle taa psv v kv kakayav waalı haləna tə tala pə taa nan taa. ²⁰ Tənyaya Yesu tē-tv v nəyə, na í pəsi kətulv səsə isı Meləciseteeki ke tam təə.

7

Kətlv na wulav Meləciseteeki

¹ Meləciseteeki inı i ka ké Salem wulav, na i ké isətəa Iso Səsə kətulv. Meləciseteeki inı i səηna Apəlaham ke waatu wei ílé i tēma awulaa ke kəlv v ke yosu taa na í mələyi kpente tə, na í kooli-i kəpantv.

² Tənyaya Apəlaham tala pə təna mpi i ka wēna təyə

təm naanowa na í kpaɣa hɔɣɔlɔyɔ kulɔmɔyɔ na í ha-i. Meləciseteeki hətə nyuyɔ nté si tampana tv. Pəle pə waali i ké Salem wulav, na pəle pə nyuyɔ nté si hɛɛsuyɔ tv. ³ Nɔɣɔlv ta nyi Meləciseteeki caa, pa ta nyi i too. Nɔɣɔlv ta nyi si akele luləna na pə luli na pə tala-i. Pa ta yɔɣɔti i luluyɔ təm ke tiili, yaa i səm təm. I nəɣəsəna Iso Pəyaya, na i ké kətɔlv ke tam tɔw ké.

⁴ I paasi na í ná apalv inɔ i səsəntv yee. Halɔ ta caanaa caanaa caa səsə Apələham ná faya pə təna mpi i hika yooɔ taa tɔɣɔ təm naanowa na í kpaɣa hɔɣɔlɔyɔ kulɔmɔyɔ na í ha-i. ⁵ Lefii nyóma mpa pa ké kətəlaa tɔ kəsəsutv ha-wɛɣe mpa ké si pá pəsəyi Iseyeli nyóma si pá celəɣi-wɛɣe pa kuhikim təna hɔɣɔlɔɣ naanowa taa kulɔmɔyɔ. Pəyele paa ké yəlaa kulɔmaa ké, na pa təna pa ké Apələham piya. ⁶ Meləciseteeki na taa ké Lefii tv, paa na mpv i mv mpi Apələham wena tɔ pə hɔɣɔlɔɣ naanowa taa kulɔmɔyɔ. Pəle pə paasi i koola koolee kɔpana ke wei i hika kɔpantv nti Iso təma si i ká la tɔ. ⁷ Na isəna pə wɛɛ tɔ, səsə kooliyina səkpelu ke kɔpantv. ⁸ Ama kətəlaa kinɔ ilɛ, mpa pa mvyi mpi yəlaa wena tɔ pə hɔɣɔlɔɣ naanowa taa kulɔmɔyɔ tɔ, pa ké yəlaa mpa saɣa pa wɛɛ cele pa fei tɔɣɔ. Ama ye Meləciseteeki kinɔ ilɛ wei i wɛ tam isu pa ŋmaav Iso Təm taa tɔ ilé i mvna hɔɣɔlɔɣ naanowa taa kulɔmɔyɔ ŋkv. ⁹ Ye pə lapa mpv tɔ pəsəyi na tɔ tɔ si waatv wei Apələham faya i wɛnav taa ké təm naanowa na í ha mpv tɔ, Lefii mayamaya nyá felaa ké. Pəyele Lefii nyóma mɔɣɣe pa tayanəyi fayav naanowa inɔ i wontv celuyɔ. ¹⁰ Pə taya pulv tɔw, waatv inɔ paa pa ta luləta Lefii tɔ i ka wɛ i cəsə Apələham taa ké saa wei Meləciseteeki səɣaya-i tɔɣɔ.

¹¹ Lefii nyóma kətuyɔ luna kəsəsutv nti pa tv

Iseyeli nyéma si pá təŋ tə tə kin. Pə na pə mpv tə Lefi nyéma kətəlaa mpe pa ta la təmlə nte tə tewa təkpaataa tə. Təfə pə taa yele Aləŋ looŋa taa na pə taa kətulv kufalv suw isu Meləciseteeki. ¹² Mpi tə, pə wee ké si ye kətəlaa í layasaa, kusəsutu náa layasi tətə. ¹³ Təu, Taa wei i təm pa yəgətəyi isəntə tə i ké kpekəle lentə tū ké. Na pa kpekəle taa tū nəgəlv taa lata kətulv səsə təmlə ke kətəya təlate taa. ¹⁴ Tə nyemá teu təkpaataa si i ké Yuta kpekəle tū. Moisi yəgətəya kətəlaa təm tə i ta yaa kpekəle nté tə hətə.

Kətulv wei i nəgəsəna Meləciseteeki tə

¹⁵ Mpi pə teesəyi-tuyv pə tampana kilisuyv təgəle si: Kətulv nəgəlv ná luwa na í nəgəsəna Meləciseteeki.

¹⁶ Pə taya yəlaa kəkəsətv ke pə təŋaa na pə kra-i kətulv. Ama weesuyv ŋku kv fei wakəlvuyv tə kv ton taa ké pə kpana-i kətulv. ¹⁷ Pa ŋmaa mpyóv Isə Təm taa si:

N ka pəsí kətulv ke tam təw isu Meləciseteeki.

¹⁸ Nti pa su ləŋ na pá təŋəyi-ti tə tələ tə taa feina toma, na tu waasəyi pulv, ilena pá kú tələ. ¹⁹ Moisi kusəsutu ná taa la nəgəlv na í té təkpaataa, tə ná mpv. Ama pə kəna-tuyv teelvuyv kufalvuyv kəpampankv ŋku kv yeki na tə krətəna Isə tə.

²⁰ Mpi pə təw nənəw nyəŋ inə i kəlaa tə, pa kra-i kətulv na Isə tuunav ké. Ama pa kra ləlaa ke kətəlaa ke yem ké. ²¹ Pa kra Yesu ké kətulv na tuunav, hali Isə yəgətə təfoo si:

Taa yəgətə na í tuu si,

n ká pəsí kətulv səsə ke tam təw.

I kaa tuli tapəŋ ke nti i yəgətə mpv tə tə taa.

22 Pə təə mayamaya ke Yesu ná kəna-tuyv nəgə pəeluyv kəpampam mpi paa pu kra na pə tii pə kaa saali tə.

23 Pə kaasa lentı tətə sı kətəlaa kraı nyəma mpe paa we payale, pə taya pulv təə, lelāa səkaya ké na lelāa leetəyi pa ləna taa. 24 Ama Yesu ílé ı wena ı weesuyu ke tam na í təkı ı kətulvəv ke tam, na nəyolv kaa leeti ı lonte. 25 Pə təə ké paa pəlee ı pəsəyi na í waası pa təna mpa pa krətəyəna Isə ké inı ı təə tə. Pə taya pulv təə, ı wena weesuyu ke tam ké, na í sələməyəna-weye Isə.

26 Yesu ké pə tu muna mpv sı pá kra-tuyv kətulv səə. Pə taya pulv təə, ı we tənəhı, ı feına taalı nəyolv. Pəə ısayatv feı ı kın tə se. Pa faya í na asayaa na hali pá kraası-ı na í tee ıətənvuyv təə. 27 Pə feı sı ı ká lakı kətası ke tam ké inı ı mayamaya ı ısayatv təə, na pə kaası na í lá samaa ısayatv təə, ısu kətəlaa səəaa lelāa lakuyv tə. Ama waatv wei ı ha ı ti na í sı tə pə we ısu ı lapa kətaya ke təm kolum ke kprakpa ke tam təə ké. 28 Mpa Moisi kəsəsutv kraakı kətəlaa tə pa teu ta tuli. Ama Isə ná kəma na í nyəsı kəsəsutv nəgə taa, na í yəgətəna tuunav na ı Pəyaya pəsı kətulv səə, na ı teu tula kprakpa ke tam təə.

8

Yesu kele ta kətulv səə

1 Təm nti tə tənna yəgətaya ke mpv tə tə kite nté sı, tə wena kətulv səə ke mpv wei ı kpawa na í caya Isə kawulaya tə kumte kəhəkəh taa ké ıətəaa tə. 2 ı lakı kətulv səə kulapəle ke kətaya təlate cokəle nte yolv ta siki, ama Taa mayamaya sikina-te tə tə taa.

3 Pa kraa kətulv səə tə sı í pona Isə ké kvhaham na í la kətası ké. Pə təə ké pə we sı tá kətulv səə í wena

mpi i ká polo na í lapu-i kətaya tə. ⁴Ye atə cəneye Yesu ka wee i taa tu lapu kətulv. Mpi tə kətəlaa ka wee na pá təηna Iso ké kəhaham ponav isu pa keesa kusəsutu taa tə. ⁵Mpi mpi kətəlaa mpe pa laki mpv tə, pa keesəna mpi pə we isəta təγə na pá laki. Ie pə nəγəsəle ké pə taya pə mayamaya. Pə lapa kulvm na nti tu tēm Moisi kiη ke lapu tə. Saa wei i lapa səolv si i sikiyi cokəle tə Iso heela-i si í siki-təye teitei isu paa keesa-i puyv təə tə, í taa coti. ⁶Ama təmle nte pa tv Yesu tə tə kəla mpe pa nyəna təcayacaya. Pə taya pulv təə, inu i teləsəna-tuyv nəγə pəelvuv kupampam mpi pə luna kupantv kəkələtv nti Iso ka təma si i ká la tə tə kiη tə.

⁷Ye kancəalaya nəγə pəelvuv ka tewa təkpataa pa taa tasa nəγə kəfalaya ke pəelvuv tətəγə kupənaya lonte. ⁸Ama Iso yəlaa lapa taalı na Iso kaləγəna-we si:

Pə kəma na pə kəə maa yele na má na Iseyeli nyəma tə tasa nəəsi kəfası pəelvuv,
na pə kpeenna Yuta kpekəle nyəma tətə.
Tacaá má ma yəγətəna mpv.

⁹Nəγə ηka ma na-we tu pəeli tə ka kaa wee isu má na pa caanaa caanaa tu pəelvuv ηkaya waatv wei ma həma-we na má ləsi Icipiti taa tə. Pa ta təkı nəγə ηka má na-we tu pəela mpv tə. Mpv pə lapəna na máá lə pa təm ke luyv. Tacaá má ma yəγətəna mpv.

¹⁰Nn, Tacaá má ma yəγətə mpv si:
Nəγə ηka kuyeeη inu i waalı maa yele na má na Iseyeli nyəma tə pəeli təγəle si:
Maa kpaγa ma kusəsutu na má tv hatuu pa ləmayasəe taa.

Maa ηmaa-təγi pa lotu taa.

Maa pəsi pa Iso na mpe paa pəsi ma yəlaa.

11 Saa inɪ nɔɣɔlv kaa nɔki ɪ tɔɣɔntɔle ke seɣesɔɣu.

Nɔɣɔlv kaa tɔ ɪ taapalv si:

Nyi Taca.

Pə taya pulv tɔ,
pa tɔna paa nyi-m.

Pə krayav pəyaya na pə polo sɔsɔ tɔ.

12 Maa husi pa kypəntəɲ.

Ma kaa tɔsɪ pa isayatu tɔ kɛ paa pɛɔ.

13 Ile timpi Isɔ yɔɣɔtəɲi nɔɣɔ kɔfalaya pɛlvɣu tɔm tɔ
pə weɛ si kancalaya nyəɲka pənaa kɛ. Na pulv ɪ
pənaa na pə seɣetəɲi, pə caa tɛm kɛ.

9

Ate cəne Isɔ seɛv na ɪsɔta Isɔ seɛv

1 Kancalaya nɔɣɔ ɲka paa pɛlaa tɔ kele kaa wɛna
nti pa suwa na pa tɔɲəɲi na pɔ seeki Isɔ tɔɣɔ, na tɔ Isɔ
təsele ka wɛ ate cəne. 2 Paa sika cokəle kɛ, na ntɛ tɔ
kɛna pə tɔ pə tɔ nyəntɛ, na pa yaa-tɛ si katɛ taa. Na
tənaɲa pa sukaya fətɔla na taapəli na potopotonaa
mpa pa ha Isɔ tɔ. 3 Puvɣu kukakayav naale nyəɲku
waali kɛna cokəle nte pa yaa si katɛ taa katɛ tɔ. 4 Na
tənaɲa wɔla cofolo ka weɛ na pɔ wɔki tulaalvnaa ke
ɪ taa, na Isɔ nɔɣɔ pɛlvɣu atakaa na pɔ waasa ɪ tənaɲa
wɔla tɔpai. Atakaa inɪ ɪ taa ka wɛ wɔla nyənaya na ka
taa na mana, na Alɔɲ kɔrɔtɔɲu ɲku ku tɔwa hɛtɔ tɔ na
pɛɛ kraatanaa mpa pa tɔ pa ɲmaa nɔɣɔ pɛlvɣu tɔm
tɔ. 5 Atakaa inɪ ɪ tɔ ka wɛ teeli nyɔma napəli mpa
pa hɔlɔɲi si Isɔ wɛ tɔna tɔ, na pa kɛɲ lɔpa timpi pa
lakaya kətaya ke yɔlaa isayatu husvɣu tɔ tɔ. Pə taya
si cəneyɛ tu yasɪ-mɛyɛ pə kantɔlasɪ tɔna tɛcɛɪɛɪ.

6 Mɔpɔɲu pə tɔna pu weɛ, paa mpiɲi pə lonte taa,
na kətɔlaa nɔ svukaya tam kɛ pə tɔ pə tɔ cokəle
taa na pɔ laki pa tɔmlɛ. 7 Ama hatuu pə taa nyəntɛ

taa de kotulu saso tike suukayana tana, na panaya taa tam kulom takon ke i suukaya. Calam ke i pukayana tanaya feenyu ke Iso ke i mayamaya i kupanteh na kupanteh wei de samaa na panta kupantu to i too toto. ⁸ Feesuyu Nanhetu hulyi tana si pe too pe too cokale waatu tana taa, mpaav fei si yulu i tala timpi pa yaa si kate taa kate taa to. ⁹ Mpu ini pe hulyi isana te we kayana isanto to. Pe nyuyu nte si isu pa kprakuyuu kuhaham na pa kprakuyuu wontu na pa laki Iso ke kotasu to, mpu ini pu pasayi na pe tayani teu takpataa ke wei i laki mpu to i lotu taa. ¹⁰ Kutayou na kunyonyoom na nyuyu too asilima keeluyu tam tike ke pe paasanaa. Pe ke yulu tonuyu nyam mpi pa suwa si pa tanyei, halena kuyanaku Iso ka tayani pe tanaya kufam to.

¹¹ Ama Kilisiti na lapa kupantunaa mpa pa tema konte to pa kotulu saso. Na cokale nte te taa i laki tamle to te kalaa, na te tewa takpataa. Pe taya yalaa sikina-ke, na te ta tu keu antulinya wei pa lapa kulapu ke isanto to i nyante. ¹² Kilisiti suuu tam kulom ke i kprakpaa suuu ke kate taa kate taa to pe taya acoonaa na nawee calam ke i lapana kotaya. Ama i mayamaya i calam ke, lena pe kana-tuyu ta nyoon yapu ke tam too. ¹³ Ye acoonaa na latacenaa pe calam na naah alu nyeh wei pa nyayasa i tana na pa hmusayi i taluma ke yalaa asilima nyema too to ta kpisi pa asilima ke kpiisuyu, ¹⁴ kacanfana Kilisiti calam na? Feesuyu tam nyehku ton taa ke i lapana i tayi Iso ke kotaya hka ka tewa takpataa to. I calam ka lasi ta lotu taa ke kpai tamanaa lomasasee na te pesi na te la Iso weesuyu tu tamle.

¹⁵ Pe too ke Kilisiti ke wei i telasayi nayo peeluyu kufam ke lelau to si mpa Iso yaawa to pa hiki kupantu

tam nyəntu nti Iso ka təma si i ká ha na pə wεε isu pa kpancoou tə. Pa pəsəyi na pá hiki-ti. Pə taya pulu tə, səm lapa pə taa, na səm mpi pə yekina na mpa paa wε nəyɔ pɛɛlɔyɔ kɔpəm taa na pá pəntəyi tə, pá lu kɔpəntəy inu i taa.

¹⁶ Ye yulu caɣaa na í tayanu isəna i caa pá lana i wɛnaw ke i səm waali tə na pá tu takəlaya taa na pá su, isu i səpa na pəcɔ. ¹⁷ Ye i wɛna i ise, takəlaya isu mpɔ kaa la təmlɛ. Ama ye i kəma na í si ke paa lana-keɣe təmlɛ. ¹⁸ Pə tə kə pa tula kancalaya nəyɔ pɛɛlɔyɔ tə na caləm. ¹⁹ Kancalaya ɔlɛ Moisi kɔɣa Iso kɔsəsutu taa heeliyi mpi pə təna təyɔ na í keesi samaa təna. ɔlɛna í kɔɣa hisəpu kɔátúyɔ na heen hɔntu kɔsɛmtu na í lii nawee caləm na lɔm pə taa, na í kɔpəntəna Iso Təm takəlaya na yəlaa pa tə na í ŋmusi. ²⁰ Na í tə si: Pəne inu pə kɛna caləm mpi pə laki na nəyɔ ŋka Iso pɛɛlaa na í tə si í təkɪ təkɛŋkɛ tə ká la tampana. ²¹ ɔlɛna Moisi tasa caləm ke kɔɣaw na í ŋmusi cokəle tə na Iso sɛɛw wontu təna tə. ²² Na isu pa keesa kɔsəsutu taa tə, caləm mpi, pə wε isu pə tənaya pə tayanaa, na ye caləm i ta ti, pa kaa husi nəyɔlu i isayatu ke paa pəcɔ.

Kilisiti kətaya husyɔvɔ ke isayatu

²³ Na isu pa tayanu mpi pə wε isəttaa tə pə nəyəsəle ke mpɔ tə, pə wεε si pá la isəttaa nyəm mayamaya ke kətasi kɔpənɔsi nsi si kəla nɔpúyɔ teu tə. ²⁴ Pə taya pulu tə, katɛ tete nte tə taa Kilisiti suwa tə tə ta ke nte yəlaa lapa na tə nəyəsəna isəttaa nyənte ke kɔnəyəsɔ tə. Ama isəttaa mayamaya ke i kɔpawa si i puki í səy Iso isəntaa na í wiiki ta kɔnyɔy. ²⁵ Paa pənaya ŋka Yuta nyəma kətulu səsə pukina wontu caləm ke katɛ tete kə. Ama Kilisiti ílé i ta suu si i laki

ι τῆγι κῶταγα να ί λελῆγι. ²⁶ Ye pu we mpv ι ka τῆγο kunyῶη κε τῶm payale κε hatuu antulinya lapv waatu. Ama ι kōma kayanaya τῶm kulvm κε ι kpakpaa kante κε τῆnaya kuyeeη ine ι taa si ί la ι τῆγι κῶταγα να ί kú isayatu tēnāηnāη. ²⁷ Pē tēma suv si paa yulv wei ι ká si τῶm kulvm kē, na pēle pē waali ilēna Isō huuna-ι τῶm. ²⁸ Mpu inι tῶtῆγο pa lapa Kilisiti κε κῶταγα κε τῶm kulvm si pē lēsi yēlaa samaa isayatu. I ká tasa mēlvv, ilē pē taya isayatu τῶm tῶ kē ι ká kῶ pēle. Ama mpa pa taηa-ι tῶ pa nyῶῶη yapv kē.

10

¹ Kusəsutu nti paa tōwa Yuta nyéma tῶ tῶ ta hulv kupauntunaa mpa paa kῶ cele tῶ pa mayamaya κε teitei. Ama pē nēyəsəle κε pē hulaa. Pē tῶ kē kusəsutu nti tῶ ta pəsi na tῶ lá na mpa pa kpῶtῆyῶna Isō tῶ pá te tēkpataa, na kῶtasi kulvmasi nsi pa laki paa pēnaya ηkaya tam tῶ. ² Ye pu kpiisa mpa pa seekaya Isō kē mpv pē taka tῶ pa isayatu tēkpataa κε τῶm kulvm tῶ, pēle pa taa tasῆgi pa isayatu τῶm tῶsvv, pēcῶ pa taa nōki kῶtasi nasēlῆgi lapv tῶtῶ. ³ Mpi tῆyῶle si pa lakvῆv kῶtasi nsῆgi paa pēnaya ηka tῶ pē tῶsvῆgi yēlaa κε pa isayatu tῶ kē. ⁴ Pē taya pulv tῶ, latēcēnaa na acēnnaa pa calēm kaa pəsi na pē lēsi isayatu κε paa pēcῶ.

⁵ Pē tῶ kē waatu wei Kilisiti kēηaya antulinya taa tῶ ι tōma Isō si:

Nn caa kῶtasi pēyele nn caa kvhaham.

Ama n ηma-m tῶnvv.

⁶ Kῶtasi nsi kῶkῶ lusa si tēna tῶ si ta ke-η pulv.

Na isayatu husvῆv kῶtasi we-η yem tῶtῶ.

⁷ Tēnaya ma tōma si:

Hai Isō, mayalῶ.

Ma kəŋ si má la nyá luyú nyəntu ɪsu pa keesa
ma təm ke ɪsə kəsəsutu takəlaya taa tə.

⁸ ɪ caala yəgətuyú ke si: Nn caa kətasi na kəhaham
na kətasi nsi kəkə nyaya si təna tə na ɪsayatu husuyú
kətasi. Pə tənaya mpv pə ta ke-ŋ pɔlv. Pəyele pə we
kəsəsutu taa si pá la kətasi nsəyi mpv. ⁹ ɪ tema m̀p̀yú
yəgətuyú təgə ɪ təma si: Hai ɪsə, mayalə. Ma kəŋ si má
la nyá luyú nyəntu. M̀p̀yú pə lapa na ɪsə kú kətasi nsi
pa lakaya tə, ɪlena Kilisiti kətasi lapu náá mu kupəm
lonte. ¹⁰ Yesu Kilisiti lapa ɪsə luyú nyəntu na í lá ɪ təyi
kətaya na pə kpiisi ta ɪsayatu ke tam tə.

¹¹ Paa kətulv wei ɪ səŋuyú ɪsə na í laki kətasi ke paa
ɪfemle nte tə, kulvmasi nsəyi ɪ laki tam. Pəyele si kaa
pəsi na si husi ɪsayatu ke paa pəcə. ¹² Ama Kilisiti ílé
ɪ lapa ɪsayatu husuyú kətaya ke təm kulvm təkəŋ, na
kətaya ŋke ka laki təmle ke tam. Kilisiti tema mpv
ɪlena í kpa na í caya ɪsə kəŋkəŋ taa. ¹³ Kayana tənaya
ɪ wee na í caya na í taŋaa si ɪsə í kəna ɪ kolontunaa
na í loosi nəəhe ke pa tə. ¹⁴ Təm kulvm təkəŋ ké ɪ ha
ɪ ti si pa təna mpa pa ɪsayatu kpiisaa tə pá té təkpaataa.

¹⁵ Na Feesuyú Nanhtv hvləyi-tuyv pə tampana. Pə
tə ké ɪ caala yəgətuyú si:

¹⁶ Nn, Taca yəgəta mpv si,
nəgə ŋka kuyeyɪ ɪnɪ ɪ waali maa yele na
má na-we tə pɛeli təgəle si,
maa kpaya ma kəsəsutu na má tv pa lotunaa taa.
Maa ŋmaa-təyi pa ləmayasɛ taa.

¹⁷ ɪlena í tasa si: Ma kaa tasa təsusuyv ke pa ɪsayatu
na pa kupəntəŋ tə ké paa pəcə. ¹⁸ Ye pa tema yulv
ɪsayatu ke husuyú u nəkəyi na í tasa kətaya ke lapu si
pə husi ɪ ɪsayatu tətə.

ɪsə kpətanav

19 Təv, ma taapalaa, isu Yesu weesuyu luu tə pə təv
 tə pəsəyi na tətəv katē taa katē taa təkāa. 20 Pənente
 i tula-tuyv weesuyu mpaav kufaluyv, kv luna puyv
 kukakayav na waali. Puyv ηkv kv kenā isu i tənuyv
 mayamaya. 21 Tə wena kətulv səsə wei pa suwa si i
 nyənəyi Isə təyaya tətəv. 22 Ye mpv ile tətəv kprətəna Isə
 na lotu kulvmtv na naani kupampav na tənəv wei pa
 səwa lvm kupam tətəv. Tə taa nu isayatiya tav kē ta lotu
 taa. 23 Tətəv tətəv tətəv ηkv kv təm tətəv hóləyí isəntə
 tətəv teu. Pə taya pulv tətəv, tətəv pəsəyi na tətəv cayana naani
 si mpi mpi Isə ka təma si i ká la-tv tətəv i ká la-wi. 24 Tətəv
 nyənəyi ta təma tətəv na tətəv lá na tətəv səsə tətəv səluyv
 na tətəv kvsí ta kunyuləv kē kupantv lapv tətəv. 25 Tətəv taa
 yele timpí pə kətəv si tətəv tənā tətəv kotí tətəv pote isu lelaa
 ná kisuyv pote tətəv. Ama tətəv tənəv tətəv tam na pə tu
 kələna waatv inē wei i taa tətəv loosiyí Tacaā kuyaku na
 kótəv tətəv.

26 Pə taya pulv, ye tətəv tənā isayav lapv tətəv pəyele
 tətəv tēma tampana nyəm, pə ta kaasi isayav husuyv
 kətaya nakəlí tətəv. 27 Ama tətəv cayana tapahoií si Isə
 hūvle ná tavv-tuyv cele. 28 Pa suwa si ye nəvəlv pənta
 Moisi kvsəsvtv na yəlaa naale yaa tooso na-i na pa
 isəpee na pá tisi si yēē mpróyó, pá kv-i, pá taa nyəní
 i pətətəle. 29 Təv ye pə wē mpv ile isənaya paa
 lana wei i fela Isə pəyaya kē i nəvheē tē na í nyəní
 nəvəv pēlv caləm mpi pə tavv-i tətəv yem na í
 kv Feesuyv Nəvntv nyuvv tətəv? I nyí teu si i saləka
 kaa wēē kēsvuyv. 30 Tətəv nyəmá wei i yəvətāa si: Māá
 lēvətāna paa wei kətəv i isayav na māá fēlənā paa wei
 kətəv mpi i lapa tətəv. Na kulvm iní i tasəna yəvətuyv si:
 Tacaā ká hūvna i yəlaa kē təm. 31 Si n̄ tutí nyá tətəv Isə
 weesuyv tv nínv taa tətəv pə wē səvəntv kē səsəm yoo.

³² I təəsı isəna pə tema-meyə lapu ke waatu wei Iso lapa na mə isentə cə tə. Pu susuyu-meyə konyəntəyəle səsəəle taa ké kprakpa na í səñ təca ke wahala inı ı taa tə. ³³ Kələmaa meye pa təñna tuvu na pá lakı mpi pə fei teu təğə samaa taa. Pəyele kələmaa me mə səəlv ná puına sı í te mpa pa təñna wahala tuvu isı me tə. ³⁴ I tá cəəli mə ti na saləkətonaa konyəñ təğəv. Waatu wei pa ləkəya mə wenav tə í tá kee nyuyv mayamaya. Pə taya pulv təə, í ka nyəmə teu sı í wena wenav mpi pə kəla mpyəğə teu na pə taəñyi tam tə. ³⁵ Ye mpv ile mə naani í taa sı. Mpi tə ı təə ké pa sı-meyə kasəyaya səsəya. ³⁶ Ye ı feina suulu í kaa pəsı na í la Iso luyv nyəntv na ilé ı ha-meyə mpi ı ka təma sı ı ká ha-me tə. ³⁷ Pə mayamaya ke pa ñmaa Iso Təm taa sı:

Pə kaasa pəcə mayamaya ké sı

wei ı kəya ı kəə tə í kəə.

I kaa taəñı se.

³⁸ Na wei ma yaa ma yulvpañ tə ı ká te-m na ı taa ké ilena í tuli-ti.

Ama ye ı tula tapəñ ma kaa lapı-ı luyv tətə.

³⁹ Tá ta ké mpa pa tuliyi tapəñ na pá leki yem tə. Ama tə ké mpa pa tema Iso na pa taa na pu ya pa nyəəñ təğə.

11

Taa temnav ke Iso lakı mpi tə

¹ Timpi pa təñ sı yulv tema ı taa na Iso təğəle waatu wei ı taña pulv na sika fei tə, na í tuvi pulvpu naani pəyele pəle pu naa tə. ² Iso taa temnav mpi pə təə ké Iso sama ləñtaa nyəma.

³ Iso taa temnav mpi pə yelina na té cekəna si Iso yəgətə kyəgətə na isətəa na atə pə lá, haləna mpi pu naa tə pə luna mpi pə naa tə pə taa.

⁴ Iso taa temnav mpi pə təw kə Apəeli lapa Iso kə kətəya ŋka ka kəla Kayini nyəŋka kə teu tə. I temna Iso na i taa təgə Iso ná yaa-i yulvpaŋ, pə təya pulv təw Iso sama i kuhav. Apəeli temna Iso na i taa təgə paa na i səpv tə i təŋna yəgətəya.

⁵ Iso taa temnav mpi pə təw kə pə ta yele si Henəki í si kusəpv. Ama pə kpaɣa-i na i use na pə kpaasi-i Iso cəlw, na nəgəlv ta tasa-i keesuyu, Iso kpaasa-i i cəlw tə pə təw. Pa ŋmaa Iso Təm taa si: Henəki te Iso təgə Iso kpaasa-i. ⁶ Na řpúgú pə wəe, ye pə təya Iso taa temnav təw yulv kaa te Iso. Mpi tə, ye yulv caa í křətəna Iso, pəntv ká te i taa kə təkřataa si Iso wəe na i fələgi mpa pa pəkəgi-i tə.

⁷ Iso taa temnav mpi pə təw kə Nowee nu Iso kpaalvɣv kə waatu wei i heelaya-i si pulv ká kəw tə. Paa na i ta nata-wi na i isəpəle tə i nu Iso nəgə taa təm, iləna í saaki atakaa pəgəlvɣv səsəw na pə yá í na i təyaya nyéma pa nyəwŋ. řpúgú pə lapa na í kv antulinya təm na Iso náá yaa-i yulvpaŋ kə i tem i taa na Iso tə pə təw.

⁸ Iso taa temnav mpi pə təw kə Apələham lapa mpi Iso yaa-i na í heeli-i si í la tə. I kulaa na í tēe tetv nti Iso caa si té la í na i piya pa nyəntv təkřataa tə. I yela i tetv na í tēe, i ta tu nyəm timpri maɣamaya i puki tə. ⁹ Iso kə i temna i taa na pə lá i caya tetv nti Iso ka təma si i ká cəle-i tə tə taa, na n nawa n tə si i ka kə msvlv. řpúgú i svv coka tēe, na Isakka na Yakəřwəe. Iso ka heela pəle pa maɣamaya si i ká la-wəgə mpu. ¹⁰ Pə

taya pulv tɔɔ, Apələham caakaya ɪcate nte tɔ kutulun kila kii teu tɔɔ, nte Isɔ mayamaya piwa na ɪ ŋma tɔ.

¹¹ Isɔ taa temnav tɔɔ kɛ pɔ yelaa na Apələham pɛsi na ɪ hiki pɔyaya na ɪ tema kpatɔlvɔv, na Saala nɔ tɔ́a fɛi lɔlvɔv tɔm taa tɔtɔ. I tv naani kɛ teu tɔkpataa sɪ nti Isɔ yɔɔtɔaa sɪ ɪ ká lapɪ-ɪ tɔ tɔ kaa saali. ¹² Ḿpɔ́yú pɔ lapa na yulv kulɔm wei ɪ tema ḿpɔ́yú sɔpɔv tɔ ɪ lɔli na pɔ́ lɔli tɔyomyom isu isɔtɔlvɔŋasɪ kɛ isɔtɔnɔvɔv taa, na isu tenku nɔɔ kanyɔŋa pee.

¹³ Panɛ ɪnɪ pa tɔna pa tema Isɔ na pa taa, halɔna pá polo pá sɪ, pa ta hiki mpi Isɔ ka tɔma sɪ ɪ ká ha-we tɔ. Ama pa loosa-wɔɔɪ kulooosu kɛ hatuu poolun kɛ, na pá mɔvɔli na pá tɔ sɪ mpe pa kɛ mɔvɔlaa na pa cɔɔsa kɔcɔɔsv kɛ atɛ cɔnɛyɛ. ¹⁴ Mpa pa yɔɔtɔɔɪ mpu tɔ pa húlɔ́yɪ tɔkpataa kɛ sɪ pa pɛkɔɔɪ pa mayamaya pa tetv. ¹⁵ Ye pa lɔsasɪ ka we timpɪ pa luwa tɔ, pa taa lan mpaav na pá mɔli. ¹⁶ Ama tampana tɔɔ pa pɛkaya tetv nti tɔ kɔla teu tɔɔ. Ntɔɔɔlɛ isɔtɔaa nyɔntv. Pɔ tɔɔ kɛ pɔ fɛi Isɔ kɛ fɛɛɛɛ sɪ pá yaa-ɪ pa Isɔ, ɪ tema-wɛyɛ ɪcate kɔpantɛ tayanvɔv tɔ se.

¹⁷ Isɔ taa temnav yelina Apələham kpa ɪ pɔyaya Isaaka sɪ ɪ kɔvɪ-kɛ na ɪ lá Isɔ kɛ kɔtaya kɛ waatv wei Isɔ nɔ tɛɛ ɪ waali kɛ kɔtɛɛ sɪ ɪ naa tɔ. Isɔ ka tema Apələham kɛ nɔɔsɪ suv, paa na mpu ɪ kpaɔa ɪ pɔyaya ŋka ka tike ɪ ka lɔla mpu tɔ sɪ ɪ kɔvɪ. ¹⁸ Isɔ ka heela-ɪ sɪ Isaaka kin kɛ ɪ ká hikina piya. ¹⁹ Apələham ka mayasa ɪ taa sɪ Isɔ pɛsɔyɪ na ɪ tayanɪ Isaaka kɛ feesuyv. Na pɔ we isu mpuvɔlɛ pɔ tu lapa. I sɔpaya na pɔ́ feesi-ɪ na pɔ́ tayanɪ-ɪ Apələham kɛ celɔvɔ.

²⁰ Isɔ taa temnav mpi pɔ tɔɔ kɛ Isaaka koolaa sɪ Isɔ ɪ la kɔpantv kɛ Yakɔpɔv na Isav kɛ cele.

21 Saa wei Yakəpu wusa səm tə Iso taa temnav mpi pə yelina na í kooli Yosəefu piya təna təo ké kəpantu na í sɛɛ Iso na í nyəka ɪ kɾátúyú təo.

22 Iso taa temnav mpi pə təo ké waatu wei Yosəefu caakaya səm tə ɪ yəgəta Iseyeli nyəma Icipiti taa luw təm, na í kɛɛsi-wɛyɛ isəna paa lana ɪ mowa tə.

23 Iso taa temnav mpi pə təo ké Moisi caa na ɪ too pa ηmesa-ɪ isətɔnaa tooso ké ɪ luluyɔ waali. Pa nawa si ɪ tewa ɪle pa ta nyana nti wulav ka təma si pá taa la tə tə lapu.

24 Waatu wei Moisi lapa səsə tə ɪ tɛma Iso na ɪ taa təgə ɪ kisa si pá taa yaa-ɪ Icipiti wulav səsə pɛɛlə pəyaya. 25 Pə kəla-ɪ leleŋ si pá tú í na Iso yəlaa ke kənyəŋ na mpi ɪ ká yəələna isayatu ke wɛɛ naale tike tə. 26 I nawa si ye yəlaa í kisa-ɪ isu pa kisuyu Mesii tə pə kəla-ɪ teu ke Icipiti apititu təna. Pə taya pulə təo, cele kufeluyɔ ke ɪ pɛɛkəyi.

27 Moisi tɛma Iso na ɪ taa təgə waatu wei í lu Icipiti na wulav pááná huu ɪ təo tə pə ta tə ɪ lanle. I səŋa teu təca, mpi tə ɪ naakaya Iso wei ɪ fɛi pá na-ɪ tə. 28 Iso taa temnav təo ké ɪ su Tɛɛv acima təgəv, na í tə si pá taa caləm ke nanŋ nənəsi na səm isətəa tillu í taa ku Iseyeli nyəma kancaalaya kulɔlaa.

29 Iso taa temnav mpi pə təo ké Iseyeli nyəma tɛsa səsəncaasi tenku ke puɣulaya isu kacaŋa təo. Icipiti nyəma ná kɛɛna-wɛ ɪlɛna lum təgə pɛɛ.

30 Iso taa temnav mpi pə yelina Yeliko kolonja tima təmuyumuyɔ ké waatu wei Iseyeli nyəma təma na pá cəəna-keɣɛ kuyɛɛŋ naatosompəgəlaya tə. 31 Iso taa temnav mpi pə təo ké pa ta kɾɛntəna mpa pa kisa Iso nyəntv tə na apalaa təna alv Lahari na pá kv. Mpi tə alv ɪnɪ ɪ təka ɪcate fɛŋlaa ke teu ke waatu wei pa tala ɪ tɛ tə.

³² Ntiyi maa tasa yəḡətaya ɫe yee? Tapacayale fei-m si má yəḡəti Ketiyəḡ, na Palaki, na Samsəḡ, na Yefete, na Tafiiti, na Samiyeeɫi, na Iso kuyəḡətutu teləsəlaa pa təm. ³³ Pa tema Iso na pa taa təḡo pa təḡa lelāa tetu, na pə təo ké pa təḡa tampana, ɫena Iso ha-weye mpi i ka təma si i ká ha-we tə. Pa tema Iso na pa taa təo ké pa təkā təḡolası nəsı, ³⁴ na pá teesi kəkəsi nsi si muyi kemkem tə. Pa tema Iso na pa taa təḡo pa lu layate nəḡo taa. Mpu pə yelina na paa keɫ acamaa tə pá pəsi tampana nyóma. Pa tema Iso na pa taa təḡo pa lapa akanāa ke yooḡ taa na pá kəɫi pa kolontunāa yoolāa loosi. ³⁵ Iso taa temnav təo ké pa feesa alaa ke pa sətāa na pá cəla-we.

Lelāa ná nawa kanḡansi na haləna pá caḡ na pá si, pa ta kisi wahala inı i təḡo. Pə taya pulu təo, pa caakaya ké si pá feesi-we na pá hiki weesuyu kupaḡpanḡku. ³⁶ Pa foota lelāa na pá ma-weye akpatee, pa həka lelāa ke alukpala na pá tu-weye saləka. ³⁷ Pa yaya lelāa ke pəe na pá si, na pá naasi lelāa, na pá tala lelāa ke tilima naale naale na pa ise. Pa laa lelāa ke kulāa na seesi. Heeḡ na pəḡ pə alema ke pa təḡolaya na pá yeləyi. Anı pa huluma təkəḡkəḡ pəyele pa təḡna-weye wahala tuyu na pá lakı-weye nyaḡ. ³⁸ Yəlaa pane pa tee antulinya taa cəne cayav. Pa cəakaya yem ké wulaya tetu taa na pəḡḡ taa. Pa təsuɫenāa nté kəkpaḡḡ tee na tulukusi taa.

³⁹ Pane inı pa təna pa tema pa taa na Iso təḡo Iso sama-we. Paa na mpu pa ta hiki mpi Iso ka təma si i ká ha-we tə. ⁴⁰ Pə taya pulu təo, Iso ka huɫwa si i ká la taya mpi pə kəla teu tə ɫe i ta tisi si pá te təkpaḡāa na taa fei.

12

Isə keɛ Tacaa

¹ Təv, isu yəlaa samaa tuutuuma inɛ ɪ tama-tuyv kotaya na ɪ tema n̄p̄ȳȳ lapv na tə nyəmá təkəlekele tɔ, ta tɔtɔ tɔ h̄əɣsɪ na tɔ p̄ɛtɪ pə təna mpi pu kayatɪ-tv sɪ tɔ taa polo l̄əŋl̄əŋ tɔ, na tɔ lɔ isayatv nti tə matəna-tuyv tam tɔ. Ilena tɔ kpayə casələ ke teu ke mpi pə wɛ tá n̄əɣ tɔ tɔ pə waali. ² Tɔ kpayə tá isɛ na tɔ pá Yesu tɔ, inɪ ɪ kɛna ta Isə sɛɛv nyuyv na pə tapuyv. ɪ ta nyənɪ tesika tɔ s̄əm fɛɛɛ, ɪ tisa sɪ pá kamɪ-ɪ tesika tɔ na í sɪ. Pə taya pulv tɔ kɛ ɪ tisa mpv, lan̄hulvmlɛ nte tə tan̄a-ɪ cele t̄əɣ ɪ nyənaya. Na kayana í caya Isə kumte k̄əŋk̄əŋ taa.

³ Mɛ mu caya na í mayasɪ mə taa na í na isəna asayaa yoonɪ-ɪ na í tá k̄pɛɛsɪ tɔ. ɪ nyənna təna, p̄əɔ í taa k̄əɔ na í k̄pisi na í lɔ t̄əŋ. ⁴ Pə taya pulv tɔ, tuu mə na asayaa í l̄vki tɔ í ta l̄vta na halɪ í can̄ í sɪ mə t̄əltɛ taa. ⁵ ɪ s̄əwa apalutv s̄əɔsuyv t̄əm nti Isə heeliyi-mɛ isu yulv sɛɣɛsuyv ɪ piya tɔ yɛɛ? ɪ t̄əma sɪ:

Ma p̄əyalv, paasəna teu ke waatv wei
Tacaa h̄əŋ nyá ŋkpaŋuyv tɔ.

Na ye ɪ kaləɣəna-ŋ taa lɔ nyá apalutv.

⁶ Pə taya pulv tɔ,

wei Tacaa s̄əɔlaa tɔ p̄untv ŋkpaŋuyv ke ɪ h̄əŋ.

Na wei ɪ nyənəɣɪ ɪ p̄əyaya tɔ p̄untv ke ɪ k̄ətəɣɪ.

⁷ ɪ t̄əɣ mə k̄nyəm̄əŋ na suulu na í nyənɪ-ɪ isu cɛɛɛ h̄əŋuyv ɪ p̄əyaya ŋkpaŋuyv tɔ. K̄nyəm̄əŋ wei í t̄əkuyv mpv tɔ inɪ ɪ huləɣəna sɪ Isə nyənəɣɪ-mɛɣɛ ɪ piya. P̄əyaya ŋka ka ŋkpaŋuyv ke ka caa u h̄əŋ? ⁸ Ye u h̄əŋ mə ŋkpaŋɪ isu ɪ laku ɪ piya təna tɔ pə h̄ólóɣí kɛ sɪ í tá kɛ ɪ piya mayamaya. Ama í kɛ apalaa naale piya kɛ. ⁹ Tɔ nyənna ta caanaa mayamaya ke atɛ cənɛ. Pa h̄əŋ tá

ηκρανη na té seeki-we. Ye tá caanaa hōη tá ηκρανη na té seeki-we, pə wεε si tu nuna tá isōtaa Caa na pə kəli mpv na té hiki weesij. ¹⁰ Ta caanaa mayamaya ná hōη tá ηκρανη κε wεε naale κε isōna pə maya-we tō. Ama si pə waasi-tv tōw kέ Isō ná hōη tá ηκρανη si té kpaya ι tēnāηη wεεtv. ¹¹ Waatv wei pa hōη tá ηκρανη tō pə caya-tuyv isu pa tuyi-tuyv wahala, pə fei lanjholbmle se. Ama pə kōη na pə leeli ilena mpa pa ηκρανη pa hōma mpv na pə seyesi-we tō, pá na kwpantv κε pə taa. Pwntvnaa tōnte teeki na pə kōna-weye heesuyv.

Kvseyesətv na kvkpaalətv

¹² I la na mə niη kusəpəη na mə nōwee acamaa pə nyōō toη. ¹³ Na í tēηəyi mpyúyú tam kέ mpaan kusiyisij, pə taa kōō na sekəllv nōyōlv í cōləsi mpaav, ama í hiki toma.

¹⁴ I la kookali na mə na yōlaa tēna í wēena tēma na lelen na mə tōnte keesi teu. Pə taya pulv, ye yulv tōnte ta keesi teu pwntv kaa keesi Taca. ¹⁵ I la laakali na nōyōlv í taa kōō na í tayanv Isō pēeleε κε lanuyv. I la laakali tōtō na pə taa kōō na mə taa nōyōlv pəsi isu tuyv isayav nyōōkuyv na kv nyan wakəlēyi yōlaa tō.

¹⁶ I la laakali tōtō na mə taa nōyōlv í taa la asilima yaa Isō nyəm pəsi ι isentaa kέ yem, isu pə lapv Isav na í kpaya ι sōsōantv lonte na í pēeti tōyōniya tōw tō.

¹⁷ Mə mayamaya í nawa isōna pə kōma waali waali na í nyuli si ι caa í kooli-ι kwpantv, ilena pá lō-ι tō. Pə taya pulv tōw, pə fei pəsuyv si í məli waali na í tayanv mpi ι ka tēma wakəlvuyv tō, ilena í wii yem.

¹⁸ Mε í tá kpətēna puyv ηku yulv pəsəyi na í tokina tō isu Iseyeli nyōma, ηku kv tōw kōkō toη nyēka mukaya tō, na isōηmōntv na səkpetuyv na heelimuyv

pə nyalaa tə, ¹⁹ na pá nu akantəle wula na pə yəgətəyi tə. Saa wei Iseyeli nyəma nu pə yəgətəya mpv tə, pa təma si pə yele mpv, pə taa tasa-weyə yəgətənav ke paa pəcə mayamaya. ²⁰ Pə taya pulv tə, təm nti paa heela-we si ye yulv yaa kpənte mayamaya tokina puyv ηkv, paa yaya-təyē pēē na pá kv tə, tə kəla-weyə ton. ²¹ Pə nyənuyv lapa səgəntv haləna Moisi mayamaya tó si səgəntv kəla inu na í seliyi.

²² Ama me mə kpətəna Siyən puyv, na Iso weesuyv tv ıcate ısətəa Yosalem na tə ısətəa tillaa tuutuuma. ²³ ı kpətəna Iso kancaalaya kululaa mpa pa həla pa ηmaa ısətəa na pá kotina lanhuləmlə tə. ı kpətəna Iso wei ı ká hūna yəlaa tənaya təm tə, na í kpətəna ı yəlaa kúpama mpa pa lapa na pá te təkpatəa tə pa ləsasi. ²⁴ ı kpətəna Yesu wei ı kə nəgə pēeluyv kufam teləsulv tə. ı kpətəna ı caləm kuηmusəm mpi pə yəgətəya kəla Apēeli nyəm nyəηka təcayacaya tə.

²⁵ ı la laakalı, í taa kisi wei ı yəgətəyəna-me tə ı təm ke nuw. Mpa pa kisa wei ı kpaalaya Iso Təm ke ate cəne tə ı təm nuw tə pa ta kpisi pēle pa ηkraηuyv ke həm, kacanfana ta mpa tu ha lumaya ke wei ı we hatuu ısətəa na í yəgətəna-tv tə? ²⁶ ı yəgətəa na ı yəgətəya ciyiti tetv təna. Ama ı tasa-tuyv heeluyv si ı ká tasa ateyē ciyituyv, haləna í kpəntəna ısətəa. ²⁷ Timpi pa təη mpv si paa tasa tə pə wēē kele si mpi mpi pə lapa na pu ciyiti-wı tə pu saalı yem iləna mpi pu caya tam tə pəle pə ləeti.

²⁸ Tu hiki kawulaya ηka kaa caya tam tə ıle tó la Iso kə təmlə ke ısəna mpi pu maya-ı tə, na tó see-ı na tó nyaηna-ı na tó hulı si ı nyana təmlə sēēv nté. ²⁹ Tá Iso kə kəkə ηka ka nyaki pə təna təgə.

13

Isana tu la na Iso sɔɔli-tv tɔ

¹ I sɔɔlɔyi tɔmɔya tam isu yulv na i neu. ² Anɔ pɔ wee si i tɔkɔyi muɔlaa mpa pa kɔŋ mə te tɔɔɔ teu tɔ i nuwa. Lɛlaa lapa isɔtaa tillaa ke muɔlle ke pɔ lapv taa, pa tɔŋna si yɔlaa ke yem. ³ I tɔɔsi salɔkatvnaa tɔɔ isu ye mə na-wee i ka wenna salɔka inu i taa i ka lapa tɔ. Na i tɔɔsi mpa pa laki nyanɔ tɔ pa tɔm isu mə maɔamaya ke pa laki mpv.

⁴ Paa wei i nyɛni alv kpaɔav tɔm isu pulv sɔsɔm. Na apalv na alv pa taa nɔɔɔlv nɔɔ taa la yem yem tɔtɔ. Iso ká huɔna tɔm ke mpa pa laki asilima na mpa pa laki wasaŋkalɔtv tɔ.

⁵ I taa nyɛnɔyi pɔɔɔlaya ke mə kɔlapv taa. Ama mə laŋa i heena mpi i wena tɔ. Pɔ taya pulv tɔɔ, Iso yɔɔtɔaa si: Ma kaa lɔ-ŋ paa pɔcɔ, maa wee nyá waali ké tam. ⁶ Pɔ tɔɔ ké tɔ pɔsɔyi na tɔ yɔɔtɔna naani si: Tɔaa kele ma tentu, ma kaa nyana pulv.

Yulv pɔsɔyi na i la-m we?

⁷ I tɔɔsi mə kancaalaya sɔsaa mpa pa caala-mɛɔye Iso Tɔm heeluyv tɔ pa tɔɔ. I nyɛnna isɛna pa yaasi ka wee tɔ, na isɛna pele pa sɔpa tɔ, na i keesɛna isɛna pele pa tema Iso na pa taa tɔ na i lá mpv. ⁸ Isɛna Yesu Kilisiti ka wee tɔ mɔpɔyɔ i we saŋa, na mɔpɔyɔ i ká wee tam. ⁹ I taa yele na seɔesɔŋ kvfaŋ inu i tɔna, i nɔɔɔ na i suka, i tolisi-mɛ. Pɔ taya pulv tɔɔ, mpi pɔ kɔla teu tɔɔɔle si Iso pɔelee i la na tɔ hikiyi tɔŋ ke ta huwee taa. Pɔ taa wee kvɔtɔvɔv cɔlvɔv kin. Mpa pa paasɔɔna kvɔtɔvɔv cɔlvɔv tɔ paa waaki pɔ taa ké pulv.

¹⁰ Kɔtɔlaa mpa pa laki tɔmle ke Yuta kɔtasɔ cokɔle taa tɔ pa feina mpaa si pá tɔɔɔ mpi pa kv tɔ kɔtaya

təlate taa tə. ¹¹ Yuta kətulv səsə kprakəyi wontu nti tə caləm ké, na í pona cokəle taa na í fəeni si pə husi yəlaa isayətv. Ulena pá kraya wontu nti pa kowa mpv tə tə mayamaya na pá pona təsikile waalı na pá tv kəkə. ¹² Pə təə ké Yesu səpa icate na waalı si i mayamaya i caləm í tayanı yəlaa samaa. ¹³ Mpv tə té polo i kinj ke təsikile waalı na pá kisi-tv isu pa kisuyu inı tə. ¹⁴ Mpi tə tə feina icate tam nyənte ke ate cəne. Ama cele nyənte ke tə pəkəyi. ¹⁵ Tə saŋ Iso ké tam na pə lá teitei isu tə lapə-i kətaya na Yesu toŋ taa. Pə nyuyv nté si i hətə í yaakı tá nəəsi taa ké tam. ¹⁶ I taa səsə kəpantv lapv na təmaya tem ke tam, pə taya pulv təə, kətaya isu mpyú Iso səlaa.

¹⁷ I nukəna mə səsaa na í seeki-wə. Pə taya pulv təə, pa feniyi mə ləsasi təə ké. Mpi tə pa nyəmə si cele Iso ká pəsı-wəyε si təm. Ye í nukəna-wə, pa təmlə lapv kaa la-wəyε felentu. Ama ye u nukəna-wə, pa təmlə ká pəsı-wəyε təlası təm, na saa inı pə kaa waası-məyε pulv.

¹⁸ I sələməna-tuyv Iso ké mpyú tam. Tə nyəmə teu ke tá taa təkpataa si tə wəna lotu kolumtv. Pə taya pulv təə, tə caa ké si paa mpi pə taa tá tənté í maya. ¹⁹ Nti ma wiikina-mə təsiyisiyi təyələ si í sələmi Iso na í lá luyv na má məli mə kinj ke ləŋ.

Iso sələmuyv

²⁰ Iso feesa Tacaa Yesu ke səm taa, inəyələ heen tiikilu səsə ke i səpv tə pə təə. Na i səm mpi pə yelina na nəyə pəeləyv tam nyəm la tampana. ²¹ Həsəyuv Iso í la na mu pəsı na í lá kəpantənaa na í lá i luyv nyəntv təmammam. Iso inı í yele na Yesu Kilisiti la tá kinj ke mpi pə wə-i teu tə. Yesu í hiki teeli ke tam. Ami.

Kantəkaya təm na sətəv

²² Ma taapalaa ma wiikina-me si í nu apalutv səsuyv təm tənə na suulu. Pə taya pəlv tə, təm nti ma ŋmaa-meγe cənə tə tə ta tə. ²³ Ma heeliyi-me si pa tula ta taapalv Timotee. Ye ı tala ləŋ ke cənə ma na-ı tu kənnə mə tε.

²⁴ ı sεε mə səsaa tənə na ı sə yəlaa tənə təpai. Ta taapalaa Italii nyəma sεε-me.

²⁵ ı sə í la mə tənaya pεεεε.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377